

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
KANTONALNI ŠTAB CIVILNE ZAŠTITE

Broj: 15-40-4-3326-5/20
Bihać, 23.03.2020.godine

Na osnovu člana 108. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", br. 39/03, 22/06 i 43/10), člana 23. Pravilnika o načinu rada i funkcioniranja štabova i povjerenika CZ („Službene novine Federacije BiH“, broj: 77/06, 05/07 i 42/14), te Odluke o proglašenju stanja prirodne nepogode na području Unsko-sanskog kantona, broj:03-017-1532/2020 od 20.03.2020. godine, Kantonalni štab civilne zaštite na sjednici održanoj dana 22.03.2020. godine, donosi:

N A R E D B U

I

Naređuje se ZU Kantonalna bolnica „dr. Irfan Ljubijankić“ Bihać da hitno uspostavi izolatorij gdje bi bile smještene oboljele osobe IV kategorije (kritično oboljelih koronavirusom COVID-19).

II

Naređuje se zdravstvenim ustanovama/domovima zdravlja na području Unsko-sanskog kantona da uspostave lokalne izolatorije (u koji bi bile smještene teško oboljele osobe koronavirusom COVID-19 III kategorije, kao i srednje teško oboljele osobe koronavirusom COVID-19 II kategorije po procjeni ovlaštenog ljekara) na područjima gradova i općina Unsko-sanskog kantona.

Za provođenje ove mjere zadužuju se domovi zdravlja i gradski/općinski štabovi civilne zaštite.

III

Naređuje se Lječilištu Gata da pruža usluge fizikalne terapije pacijentima koji su zatečeni u lječilištu do kraja tretmana i da osigura usluge prehrane, te se zabranjuje prijem novih pacijenata.

IV

Naređuje se Kriznom štabu Ministarstva zdravstva, rada i socijalne politike da hitno donese Plan i program zbrinjavanja i liječenja lica oboljelih od koronavirusa (COVID 19), te da propiše procedure u postupanju sa oboljelim pacijentima zdravstvenih i drugih radnika u slučaju postojanja sumnje, kao i detekcije oboljenja koronavirusom (COVID 19). Rok izvršenja 48 sati.

Naređuje se Kriznom štabu Ministarstva zdravstva, rada i socijalne politike da hitno donese smjernice za postupanje mrtvozornika o načinu pregleda i postupanja sa umrlim od koronavirusa (COVID 19). Rok izvršenja 48 sati.

V

Naređuje se Zavodu za javno zdravstvo USK-a da hitno propiše procedure i upute za postupanje u samoizolaciji za sve pacijente I i II kategorije oboljele od koronavirusa (COVID 19), odnosno lakše i srednje teške pacijente.

VI

Naređuje se svim zdravstvenim ustanovama na području Unsko-sanskog kantona da organizuju rad u svojim ustanovama shodno potrebama i obimu posla i zahtjevima lokalnih zajednica, zbog novonastale situacije i uslovima izazvanim pandemijom koronavirusa (COVID 19) za svaku ustanovu zasebno, uz primjenu higijenskih mjera zaštite za uposlene.

Ova Naredba stupa na snagu danom donošenja.

VII

KOMANDANT KANTONALNOG ŠTABA
CIVILNE ZAŠTITE USK-a

mr. sci. Mustafa Ružnić

